



## გ ა მ ო ა რ კ ვ ი ა :

საქპატენტის სასაქონლო ნიშნებისა და გეოგრაფიული აღნიშვნების დეპარტამენტის უფროსის 2013 წლის 15 ნოემბრის №2279/03 ბრძანებაზე თანდართული ექსპერტიზის დასკვნის თანახმად, სარეგისტრაციოდ წარმოდგენილი ნიშანი „EGITENS” უღერადობით და ვიზუალურად ჰგავს კომპანიის „NOVARTIS AG” სახელზე „საქპატენტში“ მე-5 კლასის მსგავსი საქონლისათვის რეგისტრირებულ ნიშანს „EGATEN” (რეგ. №16000, რეგ. თარიღი: 13/06/2005წ), რაც ქმნის მომხმარებლის შეცდომაში შეყვანის შესაძლებლობას რის გამოც, განცხადებულ ნიშანს „სასაქონლო ნიშნების შესახებ” საქართველოს კანონის მე-5 მუხლის პირველი პუნქტის „გ” ქვეპუნქტის თანახმად უარი ეთქვა დაცვის მინიჭებაზე.

აპელანტი კომპანია „ეგიშ დიოდისერდიარ ნილვანოშან მიუკედე რესვენტარშაშაგ” არ ეთანხმება გასაჩივრებულ ბრძანებას შემდეგ გარემოებათა გამო:

აპელანტის განმარტებით, განცხადებული ნიშნის აღნიშვნის საწყისი ნაწილი „EGI” არის პირდაპირი მითითება განმცხადებლის დასახელებაზე - „ეგიშ დიოდისერდიარ ნილვანოშან მიუკედე რესვენტარშაშაგ” და არ მისცემს მომხმარებელს (მყიდველს) გააკეთოს დასკვნა იმის თაობაზე, რომ საქონელი, მარკირებული დასახელებით EGITENS-ი წარმოებულია კომპანია „NOVARTIS AG”-ის მიერ. აპელანტის პოზიციით, საქართველოს ტერიტორიაზე უკვე დარეგისტრირებულია სასაქონლო ნიშნების დიდი რაოდენობა, რომლებიც შეიცავენ საწყისს ელემენტს „EGI”. ამგვარად, განცხადებული აღნიშვნა ასევე იქნება აღიარებული მომხმარებლის მიერ, როგორც „ეგიშ“-ის კომპანიის ნიშნების სერიის გაგრძელება. აპელანტის მითითებით, ნიშნების აღრევის შესაძლებლობა კიდევ უფრო მცირდება განმცხადებლის მიერ საქონლის ჩამონათვალის შეზღუდვის გათვალისწინებით. სააპელაციო საჩივარს თან ერთვის თანხმობის წერილი, სადაც კომპანია „NOVARTIS AG” არ არის წინააღმდეგი სასაქონლო ნიშნის „EGITENS”, (IR 1135876) რეგისტრაციაზე საქართველოში კომპანია „ეგიშ დიოდისერდიარ ნილვანოშან მიუკედე რესვენტარშაშაგ”-ის სახელზე საქონლის და მომსახურების საერთაშორისო კლასიფიკაციის მიხედვით მე-5-ე კლასის ყველა საქონლისათვის, მათ შორის შემდეგ საქონელზე: “human pharmaceutical preparations, namely drugs for hypertonia”; „ჰიპერტონიის სამკურნალოდ განკუთვნილი

ფარმაცევტული პრეპარატები ადამიანისათვის”. ყოველივე ზემოაღნიშნულიდან გამომდინარე, აპელანტი ითხოვს საქპატენტის სასაქონლო ნიშნისათვის დაცვის მინიჭებაზე უარის თქმის შესახებ №2279/03 ბრძანების ბათილად ცნობას და საერთაშორისო სასაქონლო ნიშნისათვის „EGITENS” (საიდ. 69885/03 IR 1135876) დაცვის მინიჭებას საქართველოს მე-5 კლასის შემდეგი საქონლის ჩამონათვალის მიმართ: „ჰიპერტონიის სამკურნალოდ განკუთვნილი ფარმაცევტული პრეპარატები ადამიანებისათვის” (Human pharmaceutical preparations, namely drugs for hypertonia”).

კოლეგიამ განიხილა მხარის არგუმენტაცია, საქმეში არსებული მასალები და მიიჩნია, რომ სააპელაციო საჩივარი არ უნდა დაკმაყოფილდეს შემდეგ გარემოებათა გამო:

„სასაქონლო ნიშნების შესახებ” საქართველოს კანონის მე-5 მუხლის პირველი პუნქტის „გ” ქვეპუნქტის თანახმად, სასაქონლო ნიშანი არ რეგისტრირდება, თუ „მესამე პირის სახელზე რეგისტრირებული, უფრო ადრინდელი პრიორიტეტის მქონე სასაქონლო ნიშნის მსგავსია, ხოლო საქონელი – იდენტური ან იმდენად მსგავსი, რომ ჩნდება ამ სასაქონლო ნიშნების აღრევის, მათ შორის, ასოცირების შედეგად აღრევის შესაძლებლობა”.

კოლეგია ვერ გაიზიარებს აპელანტის პოზიციას განცხადებული და დაპირისპირებული სასაქონლო ნიშნების განსხვავებაზე და მიიჩნია, რომ განცხადებული საერთაშორისო სასაქონლო ნიშანი „EGITENS” (საიდ. №69885/03 IR 1135876) და დაპირისპირებული სასაქონლო ნიშანი „EGATEN” (რეგ. №16000) წარმოადგენს აღრევამდე მსგავს სასაქონლო ნიშნებს. განცხადებული და დაპირისპირებული სასაქონლო ნიშნები მსგავსია, როგორც ვიზუალური, ისე ფონეტიკური თვალსაზრისით. განცხადებული და დაპირისპირებული სასაქონლო ნიშნები მსგავსია ვიზუალურად, რადგან ორივე ნიშანი შესრულებულია სტანდარტული ლათინური ასომთავრული ასოებით. ამასთან, განცხადებული და დაპირისპირებული სასაქონლო ნიშნები იწყება იდენტურად „EG” და აქვთ მსგავსი დაბოლოება „TEN” – “TENS”. განცხადებულ სასაქონლო ნიშანში დამატებითი „S” ასოს არსებობა და ნიშანში განსხვავებული ბგერის „I” არსებობა ვერ სძენს ნიშნებს იმ დონის განსხვავებას, რომ არ მოხდეს სასაქონლო ნიშნების ერთმანეთში აღრევა და მომხმარებლის შეცდომაში შეყვანა. განცხადებული და დაპირისპირებული სასაქონლო ნიშნების მსგავსია ფონეტიკურად, რადგან ორივე ნიშანი მთავრდება თანხმოვანზე, მას ქართული ენის სპეციფიკიდან გამომდინარე

ემატება „ი“ ხმოვანი და განცხადებული სასაქონლო ნიშანი ქართველი მომხმარებლის მიერ გამოითქმის, როგორც „ეგიტენსი“, ხოლო დაპირისპირებული სასაქონლო ნიშანი, როგორც „ეგატენი“. მსგავსია ასევე, განცხადებული და დაპირისპირებული სასაქონლო ნიშნის მე-5 კლასის საქონლის ჩამონათვალი, რადგან მართალია, განცხადებული სასაქონლო ნიშნის მფლობელმა კომპანიამ შეზღუდა მე-5 კლასის საქონლის ჩამონათვალი შემდეგზე: „ჰიპერტონიის სამკურნალოდ განკუთვნილი ფარმაცევტული პრეპარატები ადამიანებისათვის“, მაგრამ აღნიშნული შეზღუდვის მიუხედავად, განცხადებული და დაპირისპირებული სასაქონლო ნიშნების საქონლის ჩამონათვალი კვლავ მსგავსად რჩება, რადგან დაპირისპირებული სასაქონლო ნიშანი რეგისტრირებულია მე-5 კლასის შემდეგი საქონლის ჩამონათვალის მიმართ: „ფარმაცევტული პრეპარატები“, რომელიც ასევე მოიცავს ჰიპერტონულ ფარმაცევტულ პრეპარატებსაც, რაც კიდევ უფრო მეტად ზრდის სასაქონლო ნიშნების აღრევისა და მომხმარებლის შეცდომაში შეყვანის შესაძლებლობას. ამასთან, მართალია აპელანტმა წარმოადგინა დაპირისპირებული სასაქონლო ნიშნის მფლობელი კომპანიის მიერ გაცემული თანხმობის წერილი განცხადებული საერთაშორისო სასაქონლო ნიშნისათვის დაცვის მინიჭებასა და გამოყენებაზე, მაგრამ იმდენად მსგავსია განცხადებული და დაპირისპირებული სასაქონლო ნიშნები ვიზუალური და ფონეტიკური თვალსაზრისით, რომ აღნიშნული თანხმობის წერილი მხედველობაში ვერ იქნება მიღებული, რადგან სასაქონლო ნიშნის რეგისტრაციისას უპირველესად ხდება მომხმარებელთა ინტერესების დაცვა, რომ არ მოხდეს მსგავსი სასაქონლო ნიშნის რეგისტრაციით მათი შეცდომაში შეყვანა, შესაბამისად თანხმობის წერილი ვერ უზრუნველყოფს მომხმარებელთა ინტერესების დაცვას სასაქონლო ნიშნების ერთმანეთში აღრევისაგან ან მათი მწარმოებელი კომპანიების აღრევისაგან.

ყოველივე ზემოაღნიშნულიდან გამომდინარე, სააპელაციო პალატის კოლეგიას მიაჩნია, რომ მოცემულ შემთხვევაში აღგილი აქვს „სასაქონლო ნიშნების შესახებ“ საქართველოს კანონის მე-5 მუხლის პირველი პუნქტის „ბ“ ქვეპუნქტით გათვალისწინებულ შემთხვევებს და საერთაშორისო სასაქონლო ნიშნისათვის „EGITENS“ (საიდ. №69885/03 IR 1135876) დაცვის მინიჭებაზე უარის თქმის კანონით გათვალისწინებულ საფუძველს.

სააპელაციო პალატის კოლეგიამ იხელმძღვანელა „სასაქონლო ნიშნების

